



## Republic of the Marshall Islands

### Naan In Keeañ

Kōjjeļā Ñan Aolep Kōn Juon Iien Idiñ Ilo Epjā

**ĀINWŌT KE**, Naan in Keeañ eo eaar Kwaļok ke ewōr juon Idiñ kōn an kar bwil jet mōn peejeñ ak mōn wia, im imōn jokwe ilo Epjā, Kuwajleen ilo kar 6 raan in Juun, 2026;

**ĀINWŌT KE**, ro rej jokwe Epjā eñ im ro rej jokwe im epaake kijeek eo, raar pukot mejļan aer kadikļok im kune kijeek eo;

**ĀINWŌT KE**, ro raar jipañ im bōk koñaer bwe en ejjeļok eñ ejorraān im mej jān wāween in, ak ruo imōn wia (business) im roñoul-ruo imōn jokwe raar bwil im jako, im elōñļok jān 100 iaan armej ro ilo bukwōn eo im kiiō ejjeļok aer jikin jokwe;

**ĀINWŌT KE**, Kien eo ioļap ej lo ke ej juon menin aikuñ eo eaorōk bwe Kien eo en bōk koñaan ñan kōmeraikļok eddo in epen im kabbūromōjmoj eaar waļok jān kijeek eo;

**KŌN UN KEIN, KIIŌ** Cabinet eo eaar kwelok ilo Juun 8 raan eo, 2026, ñan koweppāne Naan in Keeañ in.

**KŌN NAAN IN KEEAÑ IN**, Cabinet eo emōj an kōjejet bwe maroñ ko an ñan iien idiñ ko, iumwin Disaster Risk Management Act eo, 2023, im kōn un in, ña, Hilda C. Heine, ilo etan Cabinet eo, emōj aō likūt eļtan peiū im tilmaake Naan in Keeañ in.

**NAAN IN KEEAÑ IN** enaaj bōk jikin maē iien ejemļok 90 raan, ālikin raan eo emōj kajejet kūtien, ijellokin wōt (1) ñe Cabinet eo enaaj kaaetokļok, ñe ejjab, (2) ñe Nitijeļā enaaj kōjemļok kūtien keeañ in kōn juon Pepe (Resolution).

#### **KŌN MĀLIM IM UN KEIN:**

- I. Cabinet eo emaroñ kabōjrak (aolepān ak jet wōt mōttan) karōk ko jān jabdewōt Kakien eo emōj koweppāne jān ippān Nitijeļā eo im ej kōllaajak kakien ko ñan kilen kōmman peejeñ ko an kien, ak orders, rules, im regulations ko an jabdewōt opij ko an Kien, ñe, ilo aer naaj ļoore, enaaj kar (ilo jabdewōt wāween) kabōjrak, kaapañpañ, ak koṛumwij maakūtūt ko remenin aikuñ.
- II. National Disaster Council eo enaaj kōmman an jikeejuļ in kwelok im etali wōnmaanļok ko, im etale ewi wāween aer kōjeplaak menin aikuñ ko im kijeek in eaar jelōti, ilo aer jeral ippān Kwajalein Atoll Local Government (KALGOV) eo im Kwajalein Atoll Disaster Committee (KADC) eo.



III. Disaster Coordinator eo emaroñ bōk eddo ko an ekkar ñan Section 119(4)(b) eo an Disaster Risk Management Act 2023 eo.

IV. Naaj bar kōmālim Jerbal im Eddo ko jet an Ministry, Agency, im Opij ko an Kien:

**A. Ministry eo an Finance, Banking im Postal Services**

- i. Jerbal ippān Ministry eo an Foreign Affairs im Trade ñan pukot iaļan jāān ko repād kadede im ko remaroñ kōjerali; im
- ii. Ejaake juon koñ (Memorandum of Understanding) ippān KALGOV ikijjien jāān ko aer ñan jipañ ilo iien idiñ ko.

**B. Ministry eo an Foreign Affairs im Trade**

- i. Jerbal ippān National Disaster Council eo im Ministry eo an Finance, Banking im Postal Services eo kōn juon wāween eo ekkar.

**C. Ministry eo an Public Works, Infrastructure, im Utilities**

- i. Ilo an naaj jermal ippān KALGOV im KADC eo, enaaj aikuj kōmman juon jermal in etale ewi joñan jorrāān ko raar waļok jān kijeek eo, im ejaake juon laajrak in oñāān ko (cost estimate) ñan men ko rejako ak jorrāān ilo iñon jokwe ko.

**D. Opij eo an Chief Secretary eo**

- i. Kappe eo an National Disaster Council eo bwe en jermal ippān KALGOV im KADC eo ñan jipañ er;
- ii. Kwaļok ñe ewōr meļeļe kāāl im kapilōk ko rōmman ñan Cabinet eo bwe en kōmman an pepe im karōk ko jet;
- iii. Jipañ Ministry eo an Finance, Banking im Postal Services eo im Ministry eo an Foreign Affairs im Trade eo ilo aer pukot iaļan jāān in jipañ im kein jermal ko; im
- iv. Likūt Naan in Keeañ in im tilmaake ñan armej in Aelōñ Kein.

Emōj karōke iumwin eļtan peiū ilo \_\_\_ raan in Juun, 2026

Handwritten signature of Hilda C. Heine in black ink.

Hilda C. Heine, Ed.D.

President